



Áveitan

3. tbl. 13. árgangur. Mars 2019

Ferð í Rush trampolíngarðinn!

Sunnudaginn 24. mars ætlar Ungmennafélagið Þjótandi að standa fyrir hópferð í Rush trampolíngarðinn í Reykjavík. Rúta fer frá Þingborg kl 12:45 og stoppar hjá N1 Selfossi kl 12:50. Þegar komið er í trampolíngarðinn munum við hoppa stanslaust í klukkutíma en að þeim tíma loknum ættu allir að vera orðnir úrvinda og tilbúnir til að fara heim. Áætluð heimkoma er kl. 16:15.

Aðgangseyrir í trampolíngarðinn er 2000 kr en að auki þurfa allir sem hoppa að kaupa sér sérstaka hoppsockka sem kosta 300kr. Hægt er að kaupa þá á staðnum en þeir sem eiga nú þegar svona sokka geta komið með þá. Börn 5 ára og yngri fá frítt inn í trampolíngarðinn með borgandi fullorðnum einstakling. Farið með rútunni kostar litlar 500kr. Ferðin er fyrir alla aldurshópa en börn yngri en 10 ára þurfa að vera í fylgd með forráðamanni.

Allir sem hoppa í Rush trampolíngarðinum þurfa að undirrita ábyrgðaryfirlýsingu. Það er hægt að gera á heimasíðunni www.rushiceland.is og mælst er til þess að allir séu búnir að gera það áður en ferðin hefst. Sérstaklega er mikilvægt að foreldrar barna sem fara í ferðina án forráðamanns séu búnir að því svo barnið lendi ekki í vandræðum á staðnum. Þeir sem áður hafa undirritað ábyrgðaryfirlýsingu í trampolíngarðinum þurfa ekki að gera það aftur.

Síðasti dagur til að skrá sig í ferðina er fimmtudagurinn 21. mars en skráningar skulu berast á gudmunda89@gmail.com.

Áveitan í Flóahreppi

Útgefandi: Ungmennafélagið Þjótandi.

Ábyrgðarmenn:

Fanney Ólafsdóttir	fanneyo80@gmail.com	892-4155
Bryndís Eva Óskarsdóttir	bryndisevao@gmail.com	846-7188
Hallfríður Ósk Aðalsteinsd.	halla@floahreppur.is	845-9719
Ellen Bachman Lúðvíksd.	ellenbach@simnet.is	616-1588

Frá sveitarstjóra

Kæru íbúar og aðrir lesendur

Eftir kuldakafli og hálfku hafa nú orðið umskipti í veðurfarinu. Þrátt fyrir að vera rétt búin að kveðja þorra með sínum sérkennum þá erum við búin að fá vorblíðu. Jafnframt lengist birtutíminn dag frá degi og um leið aukast tækifæri til þess að njóta útiveru og til útiverka. Verktakar í Flóaljósi eru að færa sig niður með Þjórsá í átt að ströndinni og alltaf fjölgar þeim sem eru komnir með húskassa og tengingu í næsta brunn. Uppsetning á tengimiðju er hafinn og það stýttist í að við bjóðum fyrirtækjum á fjarskiptaamarkaði að koma til okkar og kynna sig og sína starfsemi. Vonum að það geti orðið fyrir miðjan maí. Fram hefur komið á verkfundum að erfitt er að fara yfir land á þessum árstíma án þess að sjái á því. Í lok heildarverksins verður farið yfir svæðið og lagfæringar gerðar þar sem þarf.

Súpufundur í Þingborg

Atvinnu- og umhverfisnefnd Flóahrepps er virk og hefur nú boðað til fundar 2. apríl n.k. Þar koma m.a. aðilar frá ÍGF til þess að yfirfara stöðu sorpmála og svara ýmsum fyrirspurnum varðandi þjónustuna og hvernig við erum að standa okkur í umhverfismálunum. Einnig hefur verið óskað eftir því að Orkugerðin sendi fulltrúa til þess að kynna starfsemi fyrirtækisins. Hvet ykkur til þess að mæta vel á fundi nefndarinnar og taka þátt í virkri umræðu um umhverfis- og atvinnumálin. Það eru mál okkar allra.

Umhverfissuðurland/Hreinsunarátak í Flóahreppi

Árlegt hreinsunarátak í Flóahreppi verður í maí eins og undanfarin ár og stefnt að því að ljúka því fyrir hátíðina „Fjör í Flóa“. Timbur og járnagámar verða á söfnunarsvæðum dagana 17. – 24. maí. Á sama tíma verður hægt að fá gáma heim á bæi til sérstakra verkefna. Alltaf er gerð krafa um vandaða flokkun. Minni ykkur svo á starfsstöð ÍGF á Selfossi sem tekur við úrgangi og endurvinnsluefni fyrir íbúa í Flóahreppi skv. samningi þar um. Þrátt fyrir

sérstakt umhverfisátak í maí skulum við hafa í huga að allir dagar eru umhverfis dagar og við hvert og eitt stjórnnum því hversu mikið þarf að lokum að fara með af sorpi til fögnunar með tilheyrandi kostnaði.

Hvatastyrkir

Minnt er á að umsóknir um „hvatastyrki“ þurfa að berast á skrifstofu Flóahrepps fyrir 2. apríl 2019. Nánari upplýsingar á skrifstofu Flóahrepps í síma 480 4370 eða á netfangið gudrun@floahreppur.is Sjá nánar um hvatastyrkina á heimasíðu Flóahrepps:

<https://www.floahreppur.is/stjornsysla/samthykkir-og-reglur/>

Menningarstyrkur Flóahrepps 2019

Flóahreppur auglýsir eftir umsóknum um menningarstyrk Flóahrepps vegna ársins 2018 sbr. reglur um úthlutun styrkja til menningarmála í Flóahreppi: Styrkupp hæð verður samkvæmt fjárhagsáætlun hvers árs. Styrkir verða veittir til verkefna sem talin eru skipta máli fyrir mannlíf og félagslíf og/eða til þess fallin að stuðla að björgun menningarverðmæta í sveitarfélaginu.

Eftirfarandi vinnureglur eru settar til viðmiðunar fyrir úthlutun styrkja:

Að um sé að ræða verkefni í Flóahreppi.

Að umsækjandi sé lögráða einstaklingur, félagasamtök, stofnun eða fyrirtæki sem er með lögheimili í Flóahreppi.

Að umsókn fylgi lýsing á verkefni með verkáætlun, tímaramma, fjárhagsáætlun og upplýsingar um umsækjendur.

Að umsækjandi ábyrgist að öll tilskilin leyfi séu til staðar fyrir framkvæmd verkefnis.

Að umsókn fylgi ósk um styrkupp hæð.

Ekki verða veittir ferðastyrkir eða styrkir til reksturs.

Umsóknum þarf að skila á skrifstofu Flóahrepps fyrir 15. apríl ár hvert og úthlutanir verða í tengslum við Fjör í Flóa. Sveitarstjórn Flóahrepps tekur ákvörðun um úthlutun styrks/styrkja samkvæmt fyrirliggjandi umsóknum að fengnu áliti menningarnefndar Flóahrepps. Sveitarstjórn getur leitað álits þar til berra aðila við mat á umsóknum. Sveitarstjórn getur ákveðið að veita styrk til eins verkefnis eða fleiri. Umsóknir ásamt fylgigögnum, berist Flóahreppi, Þingborg, 801 Selfoss eða á netfangið floahreppur@floahreppur.is, merkt „menningarstyrkur“.

Með góðri kveðju, Eydís Þ. Indriðadóttir, sveitarstjóri Flóahrepps

Glimufréttir

Grunnskólamót HSK 2019

Mótið fór fram á Hvolsvelli þriðjudaginn 12. febrúar. Flóaskóli sendi átta keppendur til leiks sem stóðu sig öll prýðisvel og meira að segja fór það svo að Flóaskóli sigraði í stigakeppni skólanna í flokki stelpna í 5.-7. bekk og er það í fyrsta sinn að Flóaskóli nær þeim árangri.

5. bekkur stelpur	Vinn.	5 keppendur
4. Ásrún Júlía Hansdóttir	1	
5. bekkur strákar	Vinn.	5 keppendur
4. David Örn Aitken Sævarsson	1	
6. bekkur stelpna	Vinn.	5 keppendur
1.-2. Svandís Aitken Sævarsdóttir	3,5 + 0,5	
3. Ásdís Eva Magnúsdóttir	1,5	
6. bekkur stráka	Vinn.	10 keppendur
2. Óskar Freyr Sigurðsson	3+2	
4. Arnór Leví Sigmarsson	3+0	
7. bekkur stelpna	Vinn.	5 keppendur
1. Melkorka Álfðís Hjartardóttir	3,5	
8. bekkur stelpna	Vinn.	6 keppendur
2. Erlín Katla Hansdóttir	3,5	

Héraðsmót HSK í glímu 2019

Mótið fór fram á Laugarvatni laugardaginn 23. febrúar. Lið Umf. Þjótandi náði glæsilegum árangri, hampaði sjö héraðsmeistaratitlum og sigruðu drengirnir stigakeppnina í héraðsmóti drengja 11-20 ára og í karlaflokki.

11 ára og yngri stelpur	Vinn.	5 keppendur
1. Ásrún Júlía Hansdóttir	4	
5. Kristjana Ársól Stefánsdóttir	0,5	
11 ára og yngri strákar	Vinn.	7 keppendur
1. David Örn Aitken Sævarsson	6	
4. Björgvin Guðni Sigurðsson	3	
5. Gísli Svavar Sigurðsson	2	
6. Axel Örn Aitken Sævarsson	1	
12 ára stelpur	Vinn.	5 keppendur
1. Svandís Aitken Sævarsdóttir	3,5	
3. Kamilla Hafðís Ketel	2	
4. Ásdís Eva Magnúsdóttir	1,5	
12 ára strákar	Vinn.	6 keppendur
1. Óskar Freyr Sigurðsson	5	
4. Arnór Leví Sigmarsson	2	
13 ára stelpur	Vinn.	3 keppendur

1. Melkorka Álfðís Hjartardóttir	1,5	
13 ára strákar	Vinn.	5 keppendur
1. Andreas Haraldur Ketel	4	
14 ára stelpur	Vinn.	4 keppendur
2.-3. Erlín Katla Hansdóttir	1,5+0,5	
Skjaldarglíma Skarphéðins	Vinn.	3 keppendur
1. Jón Gunnþór Þorsteinsson	2	Skjaldarhafi í fyrsta sinn.

Marín Laufey á sigurbraut

Marín Laufey Davíðsdóttir glímukona úr Umf. Þjótanda hefur átt góðu gengi að fagna í vetur á glímuvellinum. Hún sigraði tvöfalt á Bikarglímu Íslands í janúar auk þess að verða Íslandsmeistari í backhold kvenna. Í þriggja móta röð Glímusambandsins hafnaði hún í þriðja sæti í samanlagðri stigakeppni mótanna bæði í opnum flokki og +70 kg flokki en þess ber þó að geta að hún misstu úr eitt mótanna en hún sigraði þau bæði sem hún tók þátt í. Marín er því á góðu skriði fyrir Íslandsglímuna sem fer fram í Hafnarfirði 23. mars.

Opinn fundur

Opinn upplýsingafundur Atvinnu- og umhverfisnefndar með Íslenska gámafélaginu og Kjötmjólsværksmiðjunni verður haldinn 2. apríl kl. 20:00 í Þingborg.

Þar munu forsvarsmenn áðurnefndra fyrirtækja fara yfir starfsemi sína í Flóahreppi, svara spurningum og ræða við íbúa um hvernig samstarf allra geti orðið sem mest og best.

Hlökkum til að sjá alla áhugasama og eiga gott samtál um úrgangsmál í Flóahreppi. Kaffi og Kjörís í boði!"

Tilnefningar til íþróttakonu og íþróttamanns Flóahrepps 2018

Æskulýðs og tólmstundanefnd Flóahrepps óskar eftir tilnefningum um val á íþróttakonu og íþróttamanni Flóahrepps fyrir árið 2018. Þeir sem til greina koma skulu hafa skarað fram úr í sinni íþróttagrein á árinu og eigi lögheimili í sveitarfélaginu.

Allar tilnefningar eru vel þagnar og sendist til Davíðs Inga Baldurssonar, formanns nefndarinnar, á netfangið davidingibald@gmail.com

Pistillinn

Í upphafi þessa stutta pistils vil ég þakka Erlu Björg, fermingarsystur minni, bæði fyrir hennar pistil og einnig áskorunina að rita næsta. Eins og þegar maður þreytir lokapróf og les í gegnum erfiða spurningu hefur reynst vel að skrifa það sem manni dettur fyrst í hug. Það ætla ég einmitt að gera.

Söguviðið er miðbær höfuðborgarinnar fyrir nokkrum árum, í mótuneyti Alþingis. Það er sumarþing eftir nýafstaðnar kosningar, nýliðar eins og ég eru búnir með námskeið í hefðum nýja vinnustaðarins og fyrsti þingfundurinn að hefjast. Þrátt fyrir mikla óeiningu þingmanna á e-m tímum að þá er mótuneytið gríðarstaður. Þar eru vopn lögð niður og jafnvel góður vinskapur kemst á þvert á stjórnmálaskoðanir. Á þeim þremur og hálfu ári eignaðist ég nokkra slíka. Sá eftirminnanlegasti tók á móti mér þegar við vorum tveir einir í mótuneytinu fyrir fyrsta þingfundinn, en hann byrjaði ekki á því að segja „sæll“ eða „sæll og velkominn“. Hann sagði: „Haraldur! Á góðum degi þá myndi ég vinna þig í spretthlaupi, það snýst allt um sjálfstraust.“ Síðar um veturinn rifjaði hann þetta upp og þá náði ég aðeins að svara fyrir mig á þá leið: „Össur, er góður dagur hjá þér þegar ég er rúmliggjandi?“

Þó svo að stjórnmálaskoðanir okkar Össurar Skarphéðinssonar væru ekki alltaf svipaðar urðum við ágætir vinir upp frá þessu. Nokkur sameiginleg áhugamál, eins og íslenskur landbúnaður og fiskveiði en einnig var alltaf stutt í spaugið og er hann góður og skemmtilegur sögumaður. Hann náði eitt sinn að gabba mig á fund við sig á laugardagsmorgni niður í þinghús. Þar tóku á móti mér auk Össurar, félagar mínir sem voru búnir að undirbúa steggjadag og földu sig í bakherbergi Samfylkingar.

Um það bil einu og hálfu ári eftir að við Össur hittumst fyrst, mætti ég til vinnu á hækjum og með risa spelku um fótinn eftir að hafa slitið hásin á æfingu. Þegar við mættumst á ganginum gargaði Össur yfir allt og alla: „Nú er góður dagur Haraldur!“ og glotti við tönn. Einvígi okkar fór þó aldrei fram, hvorki meðan ég var á hækjum eða síðar. Báðir þó sannfærðir um sigur sinn enda snýst þetta og flest allt í lífinu um sjálfstraust.

Það er sérstaklega gaman að rifja þetta upp núna þegar innanhústímabili í frjálsum er að ljúka og gaman að sjá hvað margir eru að standa sig vel hér úr sveitinni. Að lokum vil ég biðja nágretta minn á Lynghæð, hann Andra að segja frá e-u skemmtilegu eða fróðlegu í næsta pistli.

Halli á Urriðafossi

Aðalfundur Kvenfélags Villingaholtshrepps

Aðalfundur Kvenfélags Villingaholtshrepps verður haldinn í Þjorsárveri
sunnudaginn 17. mars kl. 13.30.

Dagskrá fundar:

1. Fundur settur, inntaka nýrra félaga, starfsmenn fundar kosnir
2. Fundargerð síðasta fundar lesin
3. Starfsskýrsla formanns
4. Reikningar lagðir fram
5. Skýrsla skemmtinefndar
6. Kosningar
7. Tillaga um árgjald
8. Fjör í Flóa, umræður
9. Önnur mál

Kaffikonur: Aðalheiður í Vatnsholti, Hafdís í Súluholti, Cathy í Egilsstaðakoti, Kristín á Hurðarbaki og Kristín á Egilsstöðum.
Nýjar konur velkomnar á fundinn til kynningar og/eða inngöngu í félagið.

Stjórn Kvenfélags Villingaholtshrepps



Eyravegi 32 · Sími 480 1160 · Neyðarnúmer 660 1160

Flóahlaupið 2019

41. Flóahlaupið fer fram við Félagslund laugardaginn 6. apríl.
Vegalengdir eru 3 km fyrir 14 ára og yngri, 5 km og 10 km.
Forskráning er hafin á hlaup.is og þar má sjá nánari upplýsingar um skráningargjald og flokkaskiptingu. Að hlaupi loknu býður ungmennafélagið upp á kaffihlaðborð fyrir keppendur en almenn-
ingi gefst einnig kostur á að kaupa sér kaffi á staðnum. Tökum nú öll fram hlaupaskóna og hefjum æfingar fyrir þetta skemmtilega hlaup!

Umf. Þjótandi

Frá Hrossaræktarfélagi Flóahrepps

Aðalfundur

Mínum á að aðalfundur Hrossaræktarfélags Flóahrepps verður haldinn föstudaginn 8. mars í Þingborg. Fundurinn hefst kl. 20:30.

Léttar veitingar og kaffi verða í boði félagsins.

Á dagskrá fundarins eru venjuleg aðalfundarstörf. Meðal annars þarf að samþykkja reglur varðandi verðlaunaveitingar félagsins á uppskeruhátíð.

Páll Imsland mun halda stutt erindi um Ellert frá Baldurshaga og hans einstaka lit.

Nýir félagar sérstaklega velkomnir.

Uppskeruhátíð og „Hrossamessa“

Uppskeruhátíð Hrossaræktarfélags Flóahrepps verður haldin föstudagskvöldið 22. mars 2019 í Ferðapjónustunni Vatnsholti.

Dagskrá hefst kl. 20:30 með borðhaldi; „Hrossamessa“ kræsingar af ýmsum réttum. Kostar aðeins 3000 krónur per mann.

Pantanir í Hrossamessuna þurfa að berast fyrir kl. 22:00 mánudaginn 18. mars í síma hjá Atla Geir 898-2256 eða netfangið atligeir@hive.is, Ágústar Inga í síma 899-5494 eða á netfangið agustk@visir.is eða á netfang félagsins hrff.stjorn@gmail.com.

Verðlaunaveiting fyrir hæstu kynbótahross ársins 2018 samkvæmt samþykkt aðalfundar félagsins.

Þorvaldur Kristjánsson hrossaræktarráðunautur mun koma og uppfæða okkur á ýmsu varðandi kynbótastarfið.

Takið kvöldið frá. Vonumst til að sjá sem flesta.

Ferðalag og fræðsluerindi

Stefnt er að því að fara bæði í ferðalag á valin hrossaræktarbú sem og að halda fræðslufund þegar fer að vora.

Kveðja stjórn Hrossaræktarfélags Flóahrepps

Frá Villingaholtskirkju

Messa verður í Villingaholtskirkju sunnudaginn 10. mars kl. 13.30.

Prestur sr. Ninna Sif Svavarsdóttir, organisti Ingi Heiðmar Jónsson og kirkjukórinn leiðir söng.

Aðalsafnaðarfundur Villingaholtssóknar verður haldinn í Villingaholtskirkju, sunnudaginn 10. mars kl. 14.30, eða að lokinni messu.

Dagskrá fundar:

Fundur settur

Fundargerð síðasta fundar lesin

Skýrsla formanns sóknarnefndar vegna 2018

Reikningar lagðir fram

Kosningar í sóknarnefnd, skoðunarmaður, kjörnefnd

Málefni kirkjugarðs, umhirða o.fl

Kirkja, viðhald

Önnur mál

Hvetjum sem flesta til að mæta og ræða um mál kirkjunnar sem er kirkjan okkar allra.

Tveir aðilar eiga að ganga úr sóknarnefnd en gefa kost á sér áfram ef vill. Árlega þarf að kjósa skoðunarmann reikninga og varamann og kjósa þarf einn aðila í kjörnefnd vegna mögulegra prestkosninga ef af sameiningu prestakalla verður.

Umhirða í Villingaholtskirkjugarði sumarið 2019

Sóknarnefnd Villingaholtssóknar auglýsir eftir aðila til að sjá um slátt og umhirðu í Villingaholtskirkjugarði sumarið 2019. Greidd er verktakagreiðsla, ein upphæð fyrir sumarið, en að auki greitt fyrir bensín á vélar, skv nótu. Kirkjugarðurinn á sláttuvél og orf en viðkomandi þarf að koma grasi í burtu eftir slátt. Áhugasamir hafi samband við formann sóknarnefndar, Sólveigu Þórðardóttur í síma 869 6534/482 2553 eftir kl. 16.00 á daginn eða sendið email á netfangið: skufslaekur2@gmail.com.

Sóknarnefndin

Deildarfundur Sláturfélags Suðurlands

Fyrir Gaulverjabæjardeild, Árborgardeild, Hraungerðisdeild, Villingaholtsdeild, Grímsnesdeild, Þingvalla– Grafningsdeild og Ölfusdeild, verður haldinn í félagsheimilinu Þingborg **Þriðjudaginn 5. mars kl. 20:30.**

Dagskrá er hefðbundin deildarfundarstörf. Bændur eru hvattir til að mæta, kynna sér rekstur félagsins og taka þátt í að móta stefnu þess til framtíðar.

Aðalfundur hjá Búnaðarfélagi Hraungerðishrepps

Verður haldinn að Stóra-Ármóti miðvikudaginn þann 13. mars kl 13:30. Hefðbundin aðalfundarstörf ásamt fróðleik.

Stjórnin

Aðalfundur Búnaðarfélags Villingaholtshrepps verður haldinn í Þjórsárveri miðvikudagskvöldið 20. mars kl 20:00. Á dagskrá eru venjuleg aðalfundarstörf, nýir félagar velkomnir.

Stjórnin

**Framræsingar
Fyllingar
Upphreinsanir
Efnisflutningar
Ýmis önnur jarðvinna**

Fossandi ehf. S:895-3437

Hagyrðingakvöld og söngur



Karлакór Hreppamanna stendur fyrir hagyrðingakvöldi í Félagsheimili Hrunamanna á Flúðum 16. mars kl 20:00.

Þar munu leiða saman hesta sína kunnir hagyrðingar af Norður- og Suðurlandi.

Lið sunnlendinga skipa þeir Sigurjón Jónsson, Magnús Halldórsson og Gylfi Þorkelsson hirðskáld Karlakórs Hreppamanna.

Lið norðanmanna skipa þeir Pétur Pétursson, Jóhannes Sigfússon og Reynir Hjartarson. Með norðanmönnum kemur einnig Birgir Sveinbjörnsson sem stýra mun samkomunni.

Sérstakir gestir eru Karлакór Kjalnesinga og aldrei að vita nema þar leynist hagyrðingar sem leggja munu orð í belg.

Léttar veitingar á barnum á viðráðanlegu verði.
Miðaverð 2500 – frítt fyrir 67 ára og eldri.

Frá Kvenfélagi Gaulverjabæjarhrepps

Aðalfundur kvenfélagsins verður haldinn fimmtudagskvöldið 14. mars klukkan 20 á loftinu í Félagslundu.

Efni fundar: Kosningar, starfið framundan og fleira skemmtilegt.

Stjórnin.

Aðalfundur Sauðfjárræktarfélags Villingaholtshrepps

verður haldinn í Þjórsárveru fimmtudagskvöldið 21. mars kl 20:30.

Trausti Hjálmarsson stjórnarmaður hjá Landssamtökum sauðfjárbænda mætir á fundinn og segir frá málefnum samtakanna.

Venjuleg aðalfundarstörf og verðlaunaafhendingar.

Stjórnin

Fréttir frá Krakkaborg



Starfið í Krakkaborg gengur vel. Ekki er laust við að einhverjir finni vorið nálgast nú með hækkandi sólu og litlir fætur eiga auðveldara með að komast leiðar sinnar þegar hálkann minnkar og glitta fer í gras og möl. Ný Námskrá Krakkaborgar hefur verið gefin út og geta áhugasamir nálgast hana á heimasíðu leikskólans. Eftir sem áður starfar leikskólinn samkvæmt Framfarastefnu heimspekingsins John Dewey. Birtum hér stuttan kafla úr námskránni:

Í Krakkaborg er lögð áhersla á gildi og starfshætti sem renna stöðum undir lýðræðislegt og réttlátt samfélag þar sem foreldrar, kennarar og nemendur eru samstarfsaðilar. Náms- og leikefni er fjölbreytt og kennarar gæta þess að allir nemendur fá jafnan aðgang að því. Í daglegu starfi leikskólans er lögð áhersla á að nemendur læri að bera virðingu og umhyggju fyrir öðru fólki, þrói með sér samkennd, tillitssemi, umburðarlyndi og vináttu. Frumkvæði nemenda er eflt svo þeir verði hæfari til að takast á við líf og starf í lýðræðissamfélagi. Nemendur eru hvattir til að taka þátt í ákvörðunum sem varða líf þeirra og leik eftir því sem aldur og þroski leyfir. Dewey lagði áherslu á að efla gagnrýna og skapandi hugsun til að kveikja áhuga. Hann vildi að nemendur fengu tækifæri til að læra með því að rannsaka og framkvæma sjálfir. Í Krakkaborg fá nemendur þessi tækifæri, fá að gera sem mest sjálfir, fá kost á að læra að leysa deilur á jákvæðan hátt, gleðjast með öðrum, og lifa í sátt við sig og umhverfi sitt. Réttur allra er virtur óháð kynferði, bakgrunni, aðstæðum eða getu. Nemendur fá að koma hugmyndum sínum og skoðunum á framfæri og lögð er áhersla á að þær séu virtar og jafnframt að þau virði skoðanir annarra. Rödd nemenda, skoðanir og vilji er því sýnilegur í daglegu starfi leikskólans. Með því læra nemendur um gildi lýðræðis og þess að vera þátttakendur í lýðræðislegu samfélagi.

Í lögum um jafna stöðu og jafnan rétt kvenna og karla eru skýr ákvæði um að á öllum skólastigum skulu nemendur hljóta fræðslu um jafnréttismál þar sem m.a. sé lögð áhersla á að búa bæði kynin undir jafna þátttöku í samfélaginu, svo sem í fjölskyldu- og atvinnulífi. Áherslu ber að leggja á að drengir og stúlkur eigi sem víðtækasta og jafnasta möguleika. Hvergi í skólastarfinu, í inntaki né starfsháttum, ættu að vera hindranir í vegi hvors kynsins. Í þessu skyni er eðlilegt að nýta sér í skólastarfinu þekkingu sem nýjar fræðigreinar, svo sem kynjafræði, hinseginfræði, fjölmenningarfræði og fötlunarfræði hafa vakið athygli á.

Bestu kveðjur, nemendur og starfsfólk Krakkaborgar

Ungmennafélag Gnúpverja frumsýnir í
Félagsheimilinu Árnesi:

Nanna systir

Eftir Einar Kárason og Kjartan Ragnarsson.
Leikstjóri Örn Árnason



Frumskýning föstudaginn 8. mars kl 20
2. sýning sunnudaginn 10. mars kl. 20
3. sýning laugardaginn 16. mars kl 20
4. sýning sunnudaginn 17. mars kl 14
5. sýning fimmtudaginn 21. mars kl 20

Posi á staðnum

**Hægt er að panta miða í síma 869-1118 eða
gylfilsig@gmail.com**

Frá Kvenfélagi Hraungerðishrepps

Aðalfundur félagsins verður haldinn í Þingborg fimmtudagskvöldið 14. mars kl. 20:00.

Dagskrá fundarins:

Fundur settur og tilnefndir starfsmenn fundarins.

Lesin fundargerð síðasta fundar.

Skýrsla stjórnar og ársreikningar laggðir fram.

Tilnefning í nefndir.

Kosningar.

Inntaka nýrra félaga.

Önnur mál.

Ingibjörg Einarsdóttir gefur ekki kost á sér til áframhaldandi starfa sem formaður félagsins. Varaformaðurinn Jónína Einarsdóttir biðst einnig undan endurkjöri til þess starfs.

Kaffihópur: Sigurbára Rúnarsdóttir, Svanhvít Hermannsdóttir, Helga Baldursdóttir og Berglind Björk Guðnadóttir.

Vonumst til að sjá ykkur sem flestar og bjóðum nýja félaga velkomna.
Kveðja stjórnin.

Senn líður að sumri og Umf. Þjótandi er farinn að huga að útivistarverkefniinu *Sá ég spóa..* fyrir sumarið 2019. Verkefnið gekk afskaplega vel síðasta sumar og mikill áhugi fyrir því að endurtaka leikinn.

Hér með auglýsum við eftir hugmyndum af stöðum til að heimsækja á komandi sumri og gaman væri ef landeigendur sjálfir myndu hafa samband að fyrra bragði og bjóða fram fallega staði innan sinnar landareignar.

Áhugasamir geta haft samband í síma 846-9775 eða á gundmunda89@gmail.com

Hegðunarviðmið Þjótanda

Fyrir þjálfara:

1. Vertu iðkendum þínum góð fyrirmynd.
2. Styrktu jákvæða hegðun og framkomu iðkenda.
3. Skapaðu möguleika fyrir iðkendur til að þroska og nýta hæfileika sína og gættu þess að æfingar hæfi aldri og þroska.
4. Sýndu íþróttinni virðingu og virtu reglur hennar, venjur og siði. Stuðlaðu að því að iðkendur geri slíkt hið sama og kenndu þeim að virða dómara og keppinauta.
5. Viðurkenndu og sýndu virðingu þeim ákvörðunum sem dómara taka.
6. Komdu eins fram við alla iðkendur, óháð kyni, kynþætti, stjórnmála-sköðunum, trúarbrögðum og kynhneigð.
7. Hrósaðu iðkendum og taktu tillit til aldurs og þroska. Viðhafðu jákvæða gagnrýni.
8. Samþykktu aldrei ógnandi eða ofbeldisfulla tilburði.
9. Sýndu athygli og umbyggju þeim iðkendum sem orðið hafa fyrir meiðslum.
10. Leitaðu samstarfs við aðra þjálfara eða sérfræðinga þegar þess þarf.
11. Viðurkenndu rétt iðkandans til þess að leita ráða hjá öðrum þjálfurum.
12. Hafðu ávallt í huga að þú ert að byggja upp fólk, bæði líkamlega og andlega.
13. Hafðu ávallt heilsu og heilbrigði iðkenda þinna í huga og varastu að setja þá í aðstöðu sem ógnað gæti þessum þáttum.
14. Talaðu ávallt gegn neyslu áfengis og tóbaks.
15. Talaðu ávallt gegn notkun ólöglegra lyfja.
16. Sæktu reglulega endurmenntun.
17. Leggðu þitt af mörkum til að skapa gott andrúmsloft og félagsleg tengsl.
18. Komdu þér aldrei í þá aðstöðu að þú sért einn með iðkanda.
19. Sinntu iðkendum á æfingum en þess utan skaltu halda þig í faglegrri fjarlægð. Forðastu samskipti gegnum síma og internetið nema til boðunar æfinga og upplýsingagjafar
20. Taktu aldrei að þér akstur iðkenda, hvorki á leiki né æfingar, nema með skriflegu leyfi foreldra.
21. Forðastu náíð samband við iðkanda, fyrir utan æfingar- og keppnistíma.
22. Beittu (iðkanda) aldrei kynferðislegu, líkamlegu eða andlegu áreiti.

Héraðsleikar HSK

í frjálsum íþróttum 10 ára og yngri fara fram á Hvolsvelli 10. mars. Keppnin hefst með þrautabraut fyrir 8 ára og yngri kl 10:00. Kl 11:30 hefst svo keppni í hefðbundnum greinum fyrir 9 og 10 ára. Keppnisgreinar hjá þeim eru:

9 ára: 30m hlaup, langstökk án atrennu, kúluvarp og skutlukast

10 ára: 30m hlaup, langstökk án atrennu, kúluvarp og hástökk

Allir keppendur fá viðurkenningu fyrir þátttökuna. Skráningar skulu berast til Örvars í síðasta lagi föstudaginn 8. mars.

Dagskrá mánaðarins

Deildarfundur SS	5. mars
Glímuæfing	5. mars
Æfingar í Þingborg	6. mars
Aðalfundur Hrossaræktarfélagsins	8. mars
Aðalsafnaðarfundur Villingaholtssóknar	10. mars
Hérðaðsleikar HSK	10. mars
Messa í Villingaholtskirkju	10. mars
Glímuæfing	12. mars
Æfingar í Þingborg	13. mars
Aðalfundur Búnaðarfélags Hraungerðishr.	13. mars
Aðalfundur Kvenfélags Gaulverjab.hr	14. mars
Aðalfundur Kvenfélags Hraungerðishr	14. mars
Aðalfundur Kvenfélags Villingaholtshr.	17. mars
Glímuæfing	19. mars
Æfingar í Þingborg	20. mars
Aðalfundur Búnaðarfélags Villingholtshr	20. mars
Aðalfundur Sauðfjárræktarfélags Vill.	21. mars
Uppskeruhátíð Hrossaræktarfélagsins	22. mars
Ferð í trampolíngarðinn	24. mars
Glímuæfing	26. mars
Æfingar í Þingborg	27. mars
Opinn fundur í Þingborg	2. apríl
Flóahlaupið	6. apríl